

مرند اۆيکو

Mərənd öykü



آغير گنجہ

يازار: انليار پولاد

Web address: www.marand-oyku.arzublog.com

Facebook: www.facebook.com/marandoyku

Email: rezaaydin491@yahoo.com

آغیر گئجه

اثلپار پولاد

گئجه نین قارانلیغی نین آغیرلیغین چیینلرینده حیس ائدیردی. ائله بیل دونیانین آغیرلیغین اونا یوکلەمیشدیلر. قورغوشون دولو هاوا اونا نفس چکمه یی چتینلشدیریردی. هر آددیم گؤتوردوکجه سانکی چیینینده کی یوک بیر آزدا آغیرلاشیردی. دهشتلی آنلارین دؤزولممزلیگی اونا سارسیدیردی. ایندیەدک بو قدهر آیقلارینین تابسیزلیغینی بیلمەمیشدی. هاراسا گئیدردی اؤزوده .بیلمیردی؛ آنجاق ایندی فیکیر- خیال اونا حکم وئیریدی

سانکی گؤزلری باخار کورایمیش. اطرافیندا دولاشانلاری، کوچه ده گلیب- اوتلری ده بئله هئچ گؤرموردو. نه انده جه یینی، هاراسا گنده جه یینی ده آنلامیردی، آنجاق بو آغیر یوکو بیر یئره داشیماق زوروندایدی. بو فیکیر زولاق- زولاق هاوانی دولاشان بیر سیگارئت توستوسو کیمین .اونون ایچه ری عالمینی بوروبوردو

هر آددیم آتدیقا او سانکی اؤزوندن اوزاقلاشیر، منلییی- کیملییی شوبهه آلتینا دوشوردو. زامان – زامان دوشونه رک، اوزاقلارا گئیر، باشی هرله نیر، اویاخلیقلا –یوخو آراسیندا کابوس دولو آنلار کئچیریردی. هر دن بیر وار گوجونو آووجلاریندا توپلاییب، اؤنه آپاریر نسه بیر یئردن توتوب، وار گوجویله ایستردی کی او یوکون آلتیندان خیلاص اولسون. آما اونوندا نتیجه سیز اولدوغونو .دویوب، ائتدی حرکتدن پئشمانچیلیق چکیردی

گؤزونون اطرافیندا یومشاق بیر یوخلوعون و ایتیرمه نین حیسسینه آلیشیردی. بو ایتیرمه اونون کیپرکلیرینی آغیرلاداراق، قاپاماق زوروندایدی. آما گؤزلرینین اؤنونده حرکتە باشلایان “دومانلی فیلاماجلار” کیپرکلیرینین اؤرتولمه سینه مانعه توره دیردی. هر دن بیر دؤنوب، گئریه هاراسا اوزاقلارا زیلله نه رک آجیلی- شیرینلی خاطیره آختاریردی. هارداسا بیر خوش خاطیره یادینا سالیر، نسه اطرافی بوروین “دومانلی فیلاماجلار” اونو تئز فیکیر – خیالدا یاییندیریردی

هر ایکی یانیندا آسلانان قوللاری او قدهر آغیرلاشمیشدی کی دیزلرینین تاب گتیرمه سینه گومانلی گلیردی. ائله بو نندنده بیر یئره، بیرینه سؤیکنمه یی آرزولاییر کیمی اطرافی سوزدو. یاخینلیقدا ایللر بویو گؤرمه دیگی، گؤده سی یوغون پلمه لره اوجالمیش، تاریخلردن قالمیش بیر چیناری گؤردوکده، اونا طرف یاخینلاشدی. آغا سؤیکنه رک دیزلری تاب گتیرمه دی، مولاییم .سوروشمک حالیندا آغاجین دیبینده تورپاغا سریلدی

ایندی بیر آز توختامیشدی. او فیلاماجلاردا یوخ اولموشدو. یاواش-یاواش دان یئری سؤکولوردو. هارداسا اوزاقدان بیر قوش سسی ائشیدیلیردی. دهشتلی گئجه نین اؤتمه سی و گونشین

گلمه سینی دوشونوردو. او اوشویه رک، نسه ایچه ریسنده بیرحیسیسین قزینماغینی آنیردی. او
...گونش کیمین یئنی دن دوغولوردو؛ آلیشماغا، نورساچماغا